

**BOSNA I HERCEGOVINA**  
**FEDERACIJA BOSNE I HERCEGOVINE**  
**TUZLANSKI KANTON**  
**Ministarstvo industrije, energetike i rudarstva**

## **P R A V I L N I K**

***o vođenju katastra odobrenih eksploatacionih polja, načinu vođenja  
zbirke isprava i popisa privrednih društava kojima su izdate dozvole za  
eksploataciju mineralnih sirovina***

***Tuzla, mart 2012. godine***

Na osnovu člana 42 stav 3. Zakona o rudarstvu Tuzlanskog kantona («Službene novine TK», broj: 14/2011 god., kantonalni ministar industrije, energetike i rudarstva donosi:

**P R A V I L N I K**  
**o vođenju katastra odobrenih eksploatacionih polja, načinu vođenja zbirke isprava i popisa privrednih društava kojima su izdate dozvole za eksploataciju mineralnih sirovina**

**I OPĆE ODREDBE**

**Član 1.**  
**(Predmet pravilnika)**

Ovim Pravilnikom propisuju se: način vođenja katastra odobrenih eksploatacionih polja, način vođenja zbirke isprava i popisa privrednih društava kojima su izdate dozvole za eksploataciju mineralnih sirovina na području Tuzlanskog kantona ( u daljem tekstu: Kantona).

**Član 2.**  
**(Uvid u katastar i registar)**

Uvid u katastar eksploatacionih polja i registar privrednih društava kojima su izdate dozvole za eksploataciju mineralne sirovine po pismenom zahtjevu može izvršiti svako zainteresovano lice.

Uvjerenje o podacima sadržanim u katastru i registru izdaje Kantonalno ministarstvo industrije, energetike i rudarstva ( u daljem tekstu: kantonalno ministarstvo) u roku od 8 dana od dana podnošenja urednog i kompletnog pismenog zahtjeva stranke.

**II KATASTAR ODOBRENIH EKSPLOATACIONIH POLJA**

**Član 3.**  
**(Definicija katastra odobrenih eksploatacionih polja)**

Katastar odobrenih eksploatacionih polja ( u daljem tekstu: katastar) u smislu ovog Pravilnika je javni registar koji na jedinstven način prikazuje sve relevantne činjenice za svako eksploataciono polje, za koje je izdata dozvola za eksploataciju mineralne sirovine.

**Član 4.**  
**( Način vođenja katastra)**

- 1) *Kantonalno ministarstvo vodi jedinstven katastar za područje cijelog kantona.*
- 2) *Kantonalno ministarstvo na osnovu člana 24 stav 1. Zakona o rudarstvu Tuzlanskog kantona («Službene novine broj: 14/2011) vodi katastar za dozvole izdate na području kantona.*
- 3) *Kantonalno ministarstvo dužno je primjerak dozvole iz stava 2. ovog člana dostaviti u Federalno ministarstvo energije, rudarstva i industrije radi evidentiranja u katastar.*

**Član 5.**  
**( Forma vođenja katastra)**

- (1) *katatarski listovi se uspostavljaju i održavaju na jedinstvenim obrascima u računarskom programu Microsoft Office Excel-u i/ili nekom drugom adekvatnom računarskom programu i u obrascu su sadržani svi podaci iz člana 6. Pravilnika.*
- (2) *Upis u katastar, odnosno izmjene u katastru se vrše na osnovu dozvola koje je izdao nadležni organ.*
- (3) *Svako eksploataciono polje vodi se na jedinstvenom obrascu – katatarskom listu.*
- (4) *Katatarski listovi odobrenih eksploatacionih polja vode se na jedinstvenom obrascu 1. koji je sastavni dio ovog Pravilnika.*
- (5) *Koordinate eksploatacionog polja po X i Y prostorno se unose u geografsko informacioni sistem (GIS).*

**Član 6.**  
**(Sadržaj katatarskog lista)**

- (1.) *Katatarski list sadrži slijedeće podatke:*
  - a) *katatarski broj*
  - b) *vrsta mineralne sirovine*
  - c) *naziv ležišta*
  - d) *lokalitet eksploatacionog polja*
  - e) *općina na kojoj se nalazi eksploataciono polje*
  - f) *kanton na čijem se području nalazi eksploataciono polje*
  - g) *naziv privrednog društva koji vrši eksploataciju*
  - h) *adresa privrednih društava koje vrše eksploataciju*
  - i) *broj, datum i organ koji je izdao dozvolu kojom je odobrena eksploatacija mineralnih sirovina*
  - j) *period važenja dozvole za eksploataciju mineralnih sirovina*
  - k) *površina ekploatacionog polja izražena u hektarima (ha)*

- l) način eksploatacije*
- m) rok za pripremne radnje*
- n) broj, datum i organ koji je izdao dozvolu za proširenje/skraćivanje eksploatacionog polja*
- o) broj, datum i organ koji je izdao Rješenje o potpunoj i trajnoj obustavi eksploatacije.*

*(2.) U rubriku «mjesto za geografsku kartu šireg područja» unosi se karta razmjere R1: 200 000, ili po mogućnosti manje razmjere.*

*(3.) U rubriku «koordinate eksploatacionog polja» unose se granice eksploatacionog polja po X i Y osi.*

*(4.) U rubriku «obradio» i «datum» upisuje se ime i prezime obrađivača katastra eksploatacionog polja i datum unošenja/ažuriranja podataka*

#### **Član 7.** **( Obaveza kontinuiranog vođenja katastra)**

*Vođenje i održavanje katastra je kontinuiran zadatak i obaveza nosioca izrade katastra.*

#### **Član 8.** **(Preuzimanje i obnova katastra)**

*Podaci iz postojećeg katastra odobrenih eksploatacionih polja se preuzimaju, prilagođavaju i obrađuju u skladu sa odredbama ovog Pravilnika.*

*Privredno društvo dužno je na pismeni zahtjev kantonalnog ministarstva dostaviti tražene podatke o eksploatacionom polju u cilju dopune katastra.*

#### **Član 9.**

*Nosilac izrade katastra dužan je svakih (6) mjeseci vršiti rezervno pohranjivanje podataka na eksterni hard disk. Obrađeni katastarski listovi se štampaju i pohranjuju u registar, poredani po katastarskim brojevima.*

### **III POPIS PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA**

#### **Član 10.** **(Način vođenja popisa)**

*Popis privrednih društava kojima su izdate dozvole za eksploataciju mineralnih sirovina vodi se u registru u koji se abecednim redom upisuju nazivi privrednih društava kojima su izdate dozvole za eksploataciju.*

*Kod svakog naziva privrednog društva označava se katastarski broj eksploatacionog polja.*

*Popis privrednih društava iz stava 1. ovog člana vodi se na obrascu broj 2. koji je sastavni dio ovog Pravilnika.*

#### **IV ZBIRKA ISPRAVA PRIVREDNIH DRUŠTAVA KOJIMA SU IZDATE DOZVOLE ZA EKSPLOATACIJU MINERALNIH SIROVINA**

##### **Član 11 (Zbirka isprava)**

*Za svako eksploataciono polje vodi se posebna zbirka isprava svi spisi koji se odnose na određeno eksploataciono polje ulažu se u poseban omot.*

*Na omotu se označava broj katastarskog lista gdje je upisano eksploataciono polje.*

##### **Član 12. ( Popis spisa)**

*Svaki omot iz člana 11. ovog Pravilnika mora imati popis spisa po redu kako su ulagani u odnosni omot. Omoti se čuvaju odvojeno od drugih spisa.*

#### **V PRELAZNE I ZAVRŠNE ODREDBE**

##### **Član 13 (Stupanje Pravilnika na snagu)**

*Ovaj Pravilnik stupa na snagu osmog (8) dana od dana objavljivanja u «Službenim novinama Tuzlanskog kantona».*

**MINISTAR**

**Doc.dr.sc. Željko Knežiček, dipl.ing rud**

**Obrazac br. 1.**

<i>Bosna i Hercegovina Federacija Bosne i Hercegovine Tuzlanski kanton Ministarstvo industrije, energetike i rudarstva</i>		<i>Bosna i Hercegovina Federacija Bosne i Hercegovine Tuzlanski kanton Ministarstvo industrije, energetike i rudarstva</i>		<i>Bosna i Hercegovina Federacija Bosne i Hercegovine Tuzlanski kanton Ministarstvo industrije, energetike i rudarstva</i>			
<i>Slatina br. 2 Tuzla 75 000, tel. ++ 387 35 369 327, 369 328, fsk ++ 387 35 369 332, web: www.vladatk.kim.ba</i>							
<b>KATASTAR ODOBRENIH EKSPLOATACIONIH POLJA</b>							
<i>a</i>	<i>Katastarski broj</i>		<i>b</i>	<i>Vrsta mineralne sirovine</i>		<i>c</i>	<i>Naziv ležišta</i>
<i>d</i>	<i>Lokalitet</i>		<i>e</i>	<i>Općina</i>		<i>f</i>	<i>Kanton</i>
<i>g</i>	<i>Privredno društvo koje vrši eksploataciju</i>		<i>h</i>	<i>Adresa privrednog društva</i>		<i>i</i>	<i>Broj, datum i organ koji je izdao dozvolu za eksploat.</i>
<i>j</i>	<i>Period važenja dozvole za eksploataciju</i>		<i>k</i>	<i>Površina eksploatacionog polja (ha)</i>		<i>l</i>	<i>Način eksploatacije</i>
<i>m</i>	<i>Rok za pripremne radnje</i>		<i>n</i>	<i>Broj, datum i organ koji je izdao dozvolu proširenju/skraćenju eksploat.polja</i>		<i>o</i>	<i>Broj, datum i organ koji je izdao Rješenje o potpunoj i trajnoj obustavi ekspl.</i>
<b>Zabilješke</b>							



